

昌黎文集

昌黎文集

五百家註音辯昌黎先生文集卷第二十九

表狀

論捕賊行賞表

嚴曰鎮州節度王承宗以元和一年遣刺客殺宰相武元衡

西市捕賊者賞之

臣愈言臣伏見六月八日敕祝曰元和十年以狂賊傷害宰

臣孫曰元和十年六月辛相武元衡入朝出所居靖安坊東門有賊自暗中突出射之從者皆散走元衡遇害擒

捕未獲陛下悲傷震悼形於寢食特降詔書明

立條格云有能捉獲賊者賜錢萬貫仍加超授

獎曰元衡死數日未獲賊兵部侍郎許孟容請見奏曰豈有國相橫屍路隅而不能擒賊因泣上為之憤歎乃詔京城諸

道能捕賊者賞錢萬貫仍與五品官積錢二萬貫於
東西市京城大索公卿節將復壁重轅者皆搜之

今下

手賊等四分之內已得其三一作其餘兩人蓋不

足計

孫曰神策大將軍王士則左威衛將軍王士平上封

人命監察御史陳中師與京兆尹裴武鞠之斬晏等五十

其黨十四人樊曰李師道將皆嘉珍反留守呂元膺敗之初

師道置鄆東都多買田伊闕陸渾皆以舍山棚遣將皆嘉珍

門察部分之嵩山浮圖圓淨為之謀至是饗士其徒白呂元

膺以兵掩鄆賊突出轉略畿部入山中奪山棚所市山棚怒

道官軍襲殺之圓淨既執於是窮治嘉珍察乃害元膺者見

新文王承宗李師道傳公此狀未根尋蹤跡知自承宗

一作明知再降明詔絕其朝請

樊曰七月詔數王承宗罪絕其朝請

又與

王士則士平等官

樊曰士則士平皆王武俊之子張晏等誅以士平為左金吾衛大將

八

日之制無不行者獨有賞錢尚未賜給羣情疑

惑未測聖心聞初載錢置市之日市中觀者日
數萬人巡繞瞻視咨嗟嘆息既去復來以至日
暮百姓小人重財輕義不能深達事體但見不
給其賞便以爲朝廷愛惜此錢不守言信自近
傳遠無由辨明且出賞所以求賊今賊已誅斬
若無人捉獲國家何因得此賊而正刑法也承
宗何故而賜誅絕也士平士則何故與美官也
三事旣因獲賊獲賊必有其人不給賞錢實亦
難曉假如聖心獨有所見審知不合加賞其如
天下百姓及後代久遠之人哉一無之况今元濟

承宗尚未擒滅兩河之地大半未收隴右河西

皆沒戎狄所宜大明約束使信在言前號令旨

揮以圖功利况自陛下即位以來繼有不績斬

楊惠琳收夏州斬劉闢收劔南東西川斬李錡

其綺切又收江東縛盧從史收澤潞等五州祝曰五州澤潞

邢洛威德所加兵不汚刃收魏博等六州祝曰六州魏博

貝相致張茂昭張愔收易定徐泗濠等五州祝曰

靈衛創業以來列聖功德易定二州張茂昭所管徐泗濠

未有能高於陛下者可謂赫赫巍巍光照前後

矣此由天授陛下神聖英武之德為巨唐中興

之君宗廟神靈所共祐助勉強不已守之以信則故地不足收而太平不難致如乘快馬行平路遲速進退自由其心有所欲往無不可者於此之時特宜示人以信孔子欲存信去食

韓曰出論語○

去聲

人非食不生尚欲捨生以存信况可無故

而輕棄也昔秦孝公用商鞅為相欲富國強兵行令於國恐人不信立三丈之木於市南門募人有能徙置北門者與五十金有一人徙之輒與五十金

韓曰出史記商君傳

秦人以君言為必信法令大行

國富兵強無敵天下三丈之木非難徙也徙之

非有功也孝公輒與之金者所以示其言之必
信也昔周成王尚小與其弟叔虞爲戲削桐葉
爲珪曰以晉封汝其臣史佚因請擇日立叔虞
爲侯成王曰吾與之戲耳史佚曰天子無戲言
言之則史書之禮成之樂歌之於是遂封叔虞
於晉韓曰出史記晉世家昔漢高祖出黃金四萬斤與陳平
恣其所爲不問出入韓曰漢高帝三年出黃金四萬斤與陳平恣其所爲不問其出入令
謀項羽平用金間楚數年之間漢得天下論者
皆言漢高祖深達於利達一作遠能以金四萬斤致得
天下以此觀之自古以來未有不信其言而能

有大功者

一有也字

亦未有不費小財而能收大利者

一有也字臣於捕賊之人

捕一作告

本無恩義彼雖獲賞了不

關臣所以區區盡言不避煩黷者欲令陛下之
信行於天下也伏望恕臣愚陋僻忝之罪而收
其懇款誠至之心天下之幸非臣之幸也謹奉
表以聞臣愈誠惶誠恐

論佛骨表

韓曰新舊史皆具載於本傳先是鳳翔法門寺
有護國真身塔塔內有釋迦文佛指骨一節其
法三十年一開開則歲稔人泰至是憲宗遣中
使杜英奇押宮人三十持香花迎入大內留禁
中三日乃送佛祠王公士庶奔走贊歎公爲刑
部侍郎上表極諫帝大怒欲抵死崔群裴度咸

里諸貴皆為公言乃貶潮州刺史時宰相疑公此表為馮宿所草以宿嘗與公同年進士又同佐裴度淮西故疑之遂貶宿歙州刺史時宰相補注聞見錄云憲宗元和十四年自鳳翔法門寺迎佛骨入禁中韓退之以諫逐十五年有陳洪志之禍懿宗咸通十四年又迎其骨入禁中諫者以憲宗為戒懿宗曰生得見之死亦無恨不數月崩送佛骨還法門寺愈之諫云奉佛以來享年不永者其知言哉

臣某言伏以

一作臣某言臣伏聞

佛者夷狄之一法耳自後

漢時流入中國

洪曰表云自後漢時流入中國又詩云佛法入中國爾來六百年按後漢西域

傳云明帝時入中國而梁劉孝標注世說新語引劉向列仙傳序曰歷觀百家之中以相檢驗得仙者百四十六人其七十四人已在佛經即如此說則漢成哀之間已有經矣漢武故事曰昆邪殺休屠王以其眾來降得其金人之神上置之甘泉宮金人者皆長丈餘其祭不用牛羊唯燒香禮拜上使依其國俗祀之此神全類於佛蓋當漢武時其經未行於中上

但以神明事之耳又開皇歷代三寶記云平帝世劉向誦金
寶御籍往見有佛經將知周時久流釋典秦雖藝漢興後
出也又漢武作昆明池掘得黑灰東方朔云可問西域道人
西域道人佛之徒也又真誥云裴真人有三十四弟子十
八人學佛道餘者學仙道陶隱居云長安中似已有佛裴
君即是其事以此考之中國之有佛尚矣退之所云據正史
也孫曰後漢明帝夜夢金人長丈餘頭有光明飛行殿庭以
問羣臣傳教曰西方有神名曰佛其形丈六尺而黃金色帝
於是遣郎中蔡愔及秦景使天竺求之得佛經四十二章及
釋迦玄像并與沙門攝摩騰竺法蘭東還愔之來也白馬負
經因立白馬寺於洛城雍門西以處之其經緘于蘭臺石室
又畫像於清源臺及顯節陵上自是始傳中國補江表作
胎入

中國

上古未嘗有也昔者黃帝在位百年年一

百十歲少昊在位八十年年一百歲顓頊在位

七十九年年九十八歲帝嚳在位七十年年一

百五歲帝堯在位九十八年年一百一十八歲

帝舜及禹年皆百歲

孫曰已上年歲皆出
皇甫謐帝王世紀

此時天下

太平百姓安樂壽考然而此時

補注唐史
無此時字

中國未

有佛也其後殷湯亦年百歲

孫曰皇甫謐云湯立七
十年踐天子位為天子

一三年年
百歲而崩

湯孫太戊在位七十五年武丁在位五十

九年

孫曰書肆中宗之享國七十有五年高宗
五十有九年中宗即太戊高宗即武丁也

書史不言

其年壽所極蓋亦俱年不減百歲周文王年九

十七歲武王年九十三歲

孫曰禮記文王九十七
乃終武王九十三乃終

穆王

在位百年

孫曰書穆王享國百年嚴曰據汲冢書自
周有天下至穆王凡百年非穆王年百也

此時

佛法亦未至中國非因事佛而致然也漢明帝

時始有佛法明帝在位纔十八年耳其後亂云

相繼運作不長宋齊梁陳元魏已下事佛漸謹

年代尤促惟梁武帝在位四十八年孫曰天監十八年普通七年

年大通二年中大通六年大同十一年中大通十一年今本作四十九年

前後三度捨身施佛孫曰大通元年三月辛未中大通元年九月癸巳太清元年二月庚

子凡三幸同泰寺捨身宗廟之祭不用牲牢孫曰郊廟牲盡日一

食止於菜果孫曰武帝溺信佛道日止一食膳無鮮腍惟豆羹糲飯而已其後竟為

侯景所逼餓死臺城孫曰太清三年三月侯景攻陷臺城帝以所求不供憂憤寢疾五月

崩于淨居殿年八十六國亦尋滅事佛求福反更得禍由此

觀之佛不足信事亦可知矣高祖始受隋禪則

議除之當時羣臣材識不遠補注唐史作識見不遠不能深

知先王之道古今之宜推闡明聖

補注唐史作聖明

以救

斯弊其事遂止

樊曰武德九年四月高祖詔有司沙汰天下僧尼道士女冠其精勤練行者遷居大

寺觀給其衣食無令闕乏庸猥麤穢者悉令罷道勒還鄉里京師留寺三所觀一所諸州各留一所餘皆罷之事竟不行

臣常恨焉伏惟睿聖文武皇帝陛下神聖英武數千百年已來未有倫比即位之初不許度人為僧尼道士又不許創立寺觀臣常以為高祖之志必行於陛下之手今縱未能即行豈可恣之轉令盛也今聞陛下令羣僧迎佛骨於鳳翔御樓以觀昇入大內昇音興又令諸寺遞迎供養臣雖至愚必知陛下不惑於佛作此崇奉以祈福

祥也直以年豐人樂徇人之心爲京都士庶

一有設字

詭異之觀戲翫之具耳安有聖明若此而肯信

此等事哉然百姓愚冥易惑難曉苟見陛下如

此將謂真心事佛皆云天子大聖猶一心敬信

百姓何人於佛更惜身命以故

一本故作至一字本無以故二字

焚頂

燒指百十爲群解衣散錢自朝至暮轉相倣倣

惟恐後時老少奔波棄其業次若不即加禁遏

更歷諸寺必有斷臂鬻身

鬻力充切

以爲供養者傷

風敗俗傳笑四方非細事也夫佛者

一無者字

本夷狄

之人與中國言語不通衣服殊製口不言先王

之法言身不服先王之法服不知君臣之義父

子之情假如其身至今尚在奉其國命一作奉國命無其字

來朝京師陛下容而接之不過宣政一見孫曰宣政殿名

禮賓一設孫曰元和九年六月置禮賓院於長興里以待四夷之使設謂宴設也賜衣一

龍襲孫曰襲複具謂之襲亦曰一稱衛而出境出境一作出之於境不令惑衆

也況其身死已久枯朽之骨凶穢之餘豈可直

入宮禁可直一作直令孔子曰敬鬼神而遠之古之諸侯

行弔於其國尚令巫祝先以桃茢音列祓除不祥

然後進弔祝曰禮記君臨臣喪以巫祝桃茢執戈惡之也注桃鬼所惡茢葦苕可掃不祥襲二十九年左

氏公如楚楚康王卒楚人使公親遂今無故取穢朽之公使巫以桃茢先祓殯楚人悔之

物親臨觀之

觀一作視

巫祝不先挑蒯不用群臣不言

其非御史不舉其失臣實恥之乞以此骨付有

司投諸水火永絕根本斷天下之疑絕後代之

惑使天下之人知大聖人之所作爲出於尋常

萬萬也豈不盛哉豈不快哉佛如有靈能作禍

福凡有殃咎宜加臣身上天鑒臨臣不然悔無

任感激懇悃之至謹奉表以聞臣某誠惶誠恐

補注邵太史曰傳奕上疏請除佛法云降自義農至于有漢

皆無佛法君明臣忠祚長年久漢明帝始立胡神泊于符石

荒胡亂華主庸臣使詐短政虐云云予謂愈之言蓋廣奕之言也故表出之林之奇曰崔浩開佛而死於魏韓愈開佛而貶於唐此浮屠者得爲口實以爲開佛者之戒至于梁武三捨身而餓死臺城宋齊以下事之漸謹而年代尤促則浮屠之